



复次，今生死无始，是亦不然。何以故？

434

法若定有来，及定有去者，

生死则无始，而实无此事。<sup>1</sup>

法若决定有所从来、有所从去者，生死则应无始。是法以智慧推求，不得有所从来、有所从去。是故生死无始，是事不然。

2

<sup>1</sup> 《般若灯论释·观邪见品》云：

有处有人来，从住处有去，  
生死则无始，而无有是事。

<sup>2</sup> 一、《中论释·明句论·观邪见品》云：

[若作是念言：因见无始生死展转相续无有间断，所谓于此无始生死往来，今者仍旧可见谓常我、常彼之常法应言是有者。是事亦不然。所以者何？如论偈曰：

法若定有来，及定有去者，  
生死则无始，而实无此事。

若我若诸行决定有所从来，谓异趣处有所从来。及定有人向异趣处去者，生死则应无始。然今不得有所从来，若常相若无常相有所从来者则不顺正理故。亦复不得去有所至，若常相若无常相去有所至者则不应道理故。若无来去者，何得言有极其玄远漫长，一一生死展转相续不见有始端的往来相耶？以无往来者故，何得言有若有始若无始之生死轮回耶？若时无生死轮回，所言从无始以来往来生死，今者仍可得见往来之常法则不然。]

二、《中论青目释·观缚解品》云：

[问曰：生死非都无根本，于中应有众生往来、若诸行往来，汝以何因缘故，说众生及诸行尽空，无有往来？

答曰：

诸行往来者，常不应往来，  
无常亦不应，众生亦复然。

诸行往来六道生死中者，为常相往来？为无常相往来？二俱不然。若常相往来者，则无生死相续，以决定故，自性住故。若以无常往来者，亦无往来生死相续，以不决定故，无自性故。若众生往来者，亦有如是过。]

三、《大智度论·序品》云：





复次，

435

今若无有常，云何有无常，

亦常亦无常，非常非无常？<sup>3</sup>

若尔者，以智慧推求，无法可得常者，谁当有无常？因常有无常故。若二俱无者，云何有亦有常亦无常？若无有常无常，云何有非有常非无常？因亦有常亦无常故，有非有常非无常。是故，依止过去世常等四句不可得。<sup>4</sup>

[问曰：云何破无始？

答曰：以无穷故。若无穷则无后；无穷无后，则亦无中。若无始，则为破一切智人。所以者何？若世间无穷，则不知其始；不知始故，则无一切智人；若有一切智人，不名无始！

复次，若取众生相，又取诸法一相、异相，以此一、异相，从今世推前世，从前世复推前世；如是展转，众生及法始不可得，则生无始见；是见虚妄，以一、异为本，是故应破。

如有为空破有为法，是有为空即复为患；复以无为空破无为法。今以无始破有始，无始即复为患；复以无始空破是无始，是名无始空。]

<sup>3</sup> 一、《般若灯论释·观邪见品》云：

若无有常我，谁复是无常，  
亦常亦无常，非常非无常？

二、《大乘中观释论·观诸见品》云：

依先际所起，常等四见无。  
后边等四见，伺察亦皆无。

<sup>4</sup> 《中论释·明句论·观邪见品》云：

[由是如说正理。故次颂曰：

今若无有常，云何有无常，  
亦常亦无常，非常非无常？

如是以智推求，今若无有常法可得者，谁当因常有无常？若常、无常二俱不可得者，云何当得有亦常亦无常？非常非无常耶？是故依止过去世常等四句则无有是处。]





有边、无边等四句依止未来世，是事不可得，今当说。何以故？

436

若世间有边，云何有后世？

若世间无边，云何有后世？<sup>5</sup>

若世间有边，不应有后世，而今实有后世，是故世间有边不然。若世间无边，亦不应有后世，而实有后世，是故世间无边亦不然。<sup>6</sup>

<sup>5</sup> 一、《般若灯论释·观邪见品》云：

世间若有边，云何有后世？

世间若无边，云何有后世？

二、《大乘中观释论·观诸见品》云：

若世间有边，云何有后世？

若世间无边，云何有后世？

<sup>6</sup> 一、《中论释·明句论·观邪见品》云：

[有边、无边等四句依止未来世，是事不可得，今当说。何以故？颂曰：

若世间有边，云何有后世？

若世间无边，云何有后世？

若世间有边，灭已不得有后世者，不应有后世，而今实有后世，是故世间有边则不然。若世间无边，云何当有后世？义谓不应有后世，而实非无后世。有后世故，世间无边亦不然。]

二、《中论释·正理庄严论·观邪见品》云：

[若世间有边，云何有后世？

若世间无边，云何有后世？

若我与世间有边断灭者，云何有后世？不应有后世，而今实有后世，是故世间有边断灭者则不然。又若我与世间无边不灭者，云何有后世？亦不应有后世，而实有后世，是故此世间无边不灭者亦不然。]

三、《中论释·善解龙树密意庄严论·观邪见品》云：

[若世间有边，云何有后世？

若世间无边，云何有后世？





复次，是二边不可得。何以故？

437

五阴常相续， 犹如灯火焰，

以是故世间， 不应边无边。<sup>7</sup>

从五阴复生五阴， 是五阴次第相续， 如众缘和合有灯焰<sup>8</sup>；

若众缘不尽灯则不灭， 若尽则灭。是故不得说世间有边、无边。

9

如果世间的人我及五蕴为有边， 则为断灭之法， 那么又怎能会有轮回世间的后世呢？ 如同阿罗汉最后的身体一样。

反之， 如果轮回世间为无边， 又怎能会有轮回世间的后世呢？ 因为并没有新产生跟随前世五蕴的后世取受五蕴， 前后世的五蕴完全成为了一体。]

<sup>7</sup> 一、《般若灯论释·观邪见品》云：

此诸阴相续， 犹如然灯焰，  
以是故世间， 非有边无边。

二、《大乘中观释论·观诸见品》云：

此诸蕴相续， 如世然灯焰。  
以是故世闲， 边无边不然。

<sup>8</sup> 一、《阿毘达磨大毘婆沙论》卷199云：

[见死有诸蕴无间中有现前， 复见中有诸蕴无间生有现前， 又见生有诸蕴无间本有现前， 本有诸蕴分位相续乃至死有， 譬如水流、灯焰相续。]

二、《阿毘达磨顺正理论》卷24云：

[中有诸蕴， 由先惑、业， 如幻相续， 往所生处， 至母腹内； 中有灭时， 复能为缘， 生生有蕴。譬如灯焰， 虽刹那灭， 而能前后因果无间， 展转相续， 得至余方。故虽无我， 蕴刹那灭， 而能往趣后世义成。即此诸蕴， 如先惑、业势力所引， 次第渐增， 于一期中， 展转相续， 复由惑、业， 往趣余世。]

<sup>9</sup> 《中论释·明句论·观邪见品》云：

[世间有边无边是事不可得， 今当说。颂曰：

五阴常相续， 犹如灯火焰，  
以是故世间， 不应边无边。

诸蕴前后因果相续不断， 次第无间， 念念灭坏， 犹如众缘和合有灯火焰， 由见因果相续不尽故， 不得说世间有边、无边。所以者何？]

